


土岐文庫
文庫17
W142
10

+



30-10

文庫 17
W142
10



杜詩論文十八

吳興祚伯成定

武進吳見思齊賢注

宜興潘眉元白評

武進董元愷舜民參

唐肅宗上元二年冬成都

病柏

有柏生崇岡童童狀車蓋偃蹇龍虎姿主當風雲會神明
依正直故老多再拜豈知千年根中路顏色壞出非不得
地蟠據亦高大歲寒忽無憑日夜柯葉改丹鳳領九雛哀

成都十八

昭和六十年二月一日贈
土岐善唐氏寄

010185187018

鳴翔其外。鴟鶚志意滿。養子穿穴內。客從何鄉來。竚立久
吁怪。靜求元精理。浩蕩難倚賴。

有相生于高崗。遠望則如車蓋。其狀則有龍虎之姿。其生正當風雲之會。其正直必為神明之所憑依。故
老往而再拜也。豈知千年之根。至中路而顏色頓改。乎。然生于崇岡。出非不得地也。偃蹇風雲。蟠據亦高
太也。初所云歲寒後凋者。今忽無憑。而日夜衰瘁。何
哉。于是丹鳳去而哀鳴。鴟鶚據而得志。物理將衰。瑞
物遠而妖孽憑矣。客從何來。而久立吁怪者。靜求其
故而不得。乃知天道不足恃也。

病橘

群橘少生意。雖多亦奚為。惜哉結實少。酸澀如棠梨。剖之
盡蠹蟲。采掇爽其宜。紛然不適口。豈止存其皮。蕭蕭牛
葉未忍別。故枝立冬霜。雪積况乃迴。風吹嘗聞蓬萊殿。羅
列瀟湘姿。此物歲不稔。玉食失光輝。冠盜尚憑陵。當君減
膳時。汝病是天意。吾愁罪有司。憶昔南海使。奔騰獻荔枝。
百馬死山谷。到今耆舊悲。

羣橘而少生意。亦何為哉。下頂少生意。實小味酸。剖

之蠹蝕。采之已失其宜。食之更不適口。豈止存其皮乎。惟有半死之葉。尚戀故枝。而冬來雪壓風吹。不能自保矣。以上完病橘。嘗聞蓬萊殿上。常列此瀟湘之姿。而歲事不稔。則玉食無光矣。然寇盜充斥。正君上減膳之時。橘之病。或天意也。但恐為有司之罪耳。又嘆開元之時。南海獻荔枝者。奔騰絡驛。萬馬死于山谷之間。到今故老為之悲歎。則荔枝之生。不知橘之死也。以客陪結。

枯櫟

蜀門多櫟。櫟高者十八九。其皮剝甚。雖眾亦易朽。徒布如雲葉。青青歲寒后。交橫集斧斤。彫喪先蒲柳。傷時苦軍乏。一物官盡取。嗟爾江漢人。生成復何有。有同枯櫟木。使我沉歎久。死者即已休。生者何自守。啾啾黃雀啁。側見寒蓬走。念爾形影乾。摧殘沒藜莠。

蜀中櫟櫟。高者十有八九。止因剝剝既甚。雖多亦易朽耳。徒布如雲之葉。歲寒後凋。而斧斤交集。反蒲柳之不如。蓋因軍興乏用。一物之微。官亦盡取也。嗟爾江漢之民。地之所生。人之所成者。復何在哉。亦如枯

櫻之木。割剝至死而已。况死者既休。生者不能自保。昔日青青之地。但見黃雀噪。寒蓬走。而櫻之形影。摧殘没于藜莠之中矣。

枯柟

梗柟枯嶢嶢。鄉黨皆莫記。不知幾百歲。慘慘無生意。上枝摩皇天。下根蟠厚地。巨圍雷霆折。萬孔蟲蟻萃。凍雨落流膠。衝風奪佳氣。白鵠遂不來。天雞為愁思。猶含棟梁具。無復霄漢志。良工古昔少。識者出涕淚。種榆水中央。成長何容易。截承金露盤。裊裊不自畏。

梗柟既枯。勢猶嶢嶢。鄉黨皆莫記其始矣。不知經幾何年。而慘慘無生理也。然枝之高。可以摩皇天。根之深。可以蟠厚地。無柰幹巨而為雷霆所折。孔多而為虫蟻所萃。所以凍雨落而膠流。狂風衝而氣盡也。于是白鵠不復來翔。天雞亦為愁思。雖剪伐尚足充棟梁之用。而生長已無霄漢之志矣。故匠石代稀。識者淚下也。夫世有庸材。置之水中。長成甚易。任重居高。不復自量。其能久乎。亦借客結。

所思

苦○憶○荆○州○醉○司○馬○崔吏部謫○官○樽○酒○定○常○開○九○江○日○落○醒○何○
處○一○柱○觀○頭○眠○幾○回○可○憐○懷○抱○向○人○盡○欲○問○平○安○無○使○來○
故○憑○錦○水○將○雙○淚○好○過○瞿○唐○灩○澦○堆○

為憶荆州之醉司馬。知其不以謫官為念。而尊酒常
開也。九江日落。醒游何處。醒時少也。一柱觀頭。醉眠
幾回。醉時多也。三句俱根醉字。九江一柱。點荆州下
寫苦憶。懷抱空向他人。而平安久無信使。惟有淚滴
江波。憑之寄太。穿過瞿塘灩澦。直至荆州耳。

進艇

南○京○久○客○耕○南○畝○北○望○傷○神○坐○北○牕○晝○引○老○妻○乘○小○艇○晴○
看○稚○子○浴○清○江○俱○飛○蛺○蝶○元○相○逐○並○蒂○芙○蓉○本○自○雙○茗○飲○
蔗○漿○攜○所○有○瓷○罌○無○謝○玉○為○缸○

南京久客。惟耕南畝。北望傷神。以坐北窗也。因北望
傷神。故思進艇耳。于是引老妻而乘小艇。觀稚子之
浴清江。稚子句。陪江行而見俱飛蛺蝶。生死不離。並
蒂芙蓉。開落一處。二句為老妻二字著色。因言舟中
茗飲蔗漿。但攜所有。然不過瓷罌而已。不必玉缸之
麗也。

草堂卽事

荒村建子月○獨樹老夫家○雪裏江船渡○風前逕竹斜○寒魚
依密藻○宿鷺起圓沙○蜀酒禁愁得○無錢何處賒○

荒村而值建子之月○嚴冬矣○獨樹卽爲老夫之家○荒
索矣○惟見江船衝雪而渡○建子月也○徑竹受風而斜○
老夫家也○魚以寒而依藻○鷺因起而沙圓○四句卽事○
蜀酒禁愁○寒天尤急○其如無錢何哉○

徐九少尹見過

晚景孤村僻○行軍數騎來○交新徒有喜○禮厚愧無才○賞靜

憐雲竹○忘歸步月臺○何當看花藥○欲發照江梅○

晚景暮矣○孤村僻矣○而少尹乃將數騎見過○耶○行軍
司馬○卽少尹也○有喜但爲新交○而無才難酬厚禮○如
之何哉○下寫見過賞其靜致○爲憐雲竹之幽○遂爾忘
歸○因同步月之興耳○初至已晚○少坐則月出矣○又約
之日○何日來看花藥○照江之梅○已垂垂欲放矣○

范二員外逸○吳十侍御郁○特枉駕闕展○待聊寄此作○
暫往比鄰去○空聞二妙歸○幽棲誠簡略○衰白已光輝○野外
貧家遠○村中好客稀○論文或不愧○重肯欸柴扉○

暫往此鄰耳。乃二妙適至。而空歸耶。幽栖之地。誠為簡畧。闢展待也。衰白之日。已有光輝。因枉駕也。况野外之貧家。既遠村中之好客。甚稀。奈何失此二妙哉。然相與論文。或亦不媿。重肯過我否耶。

王十七侍御掄許攜酒至草堂奉寄此詩便請邀高三

十五使君同到

老夫臥穩朝慵起。白屋寒多暖始開。江鶴巧當幽徑浴。鄰雞還過短牆來。繡衣屢許攜家醞。皂蓋能忘折野梅。戲假霜威促山簡。須成一醉習池迴。

老夫臥穩。朝而慵起者。白屋寒多。待其日暖而始開也。開門之後。見江鶴適當幽徑而浴。隣雞還過短牆而來。映暖字。繡衣。王侍御也。既有攜尊之約。皂蓋。高使君也。豈無折梅之興乎。霜威。侍御。山簡。使君也。假其邀來。共醉而太習池風流。應不遠耳。

王竟攜酒高亦同過共用寒字

臥病荒郊遠。通行小徑難。故人能領客。攜酒重相看。自愧無鮮菜。空煩卸馬鞍。移時勸山簡。頭白恐風寒。
高每云汝年幾小且不必小於我此句戲之也

臥病于荒郊之遠。通行而小徑之難。固不望諸公之
至也。而故人乃能領客攜酒來看耶。故人指王客則
高也。兩句完題。自愧無鮭菜可添。空煩卸鞍久坐。因
勸酒使君頭白且畏風寒。可不飲乎。

奉寄別馬巴州

時甫除京兆
功曹在東川

勲業終歸馬伏波。功曹非復漢蕭何。扁舟繫纜沙邊久。南
國浮雲水上多。獨把魚竿終遠去。難隨鳥翼一相過。知君
未愛春湖色。與在驪駒白玉珂。

勲業終歸馬氏馬巴州也。功曹愧非蕭何。自謂也。扁

舟繫纜沙邊。久有太志。南國浮雲未淨。道路方艱耳。
然手把漁竿。終當遠別。難隨鳥翼。未得相過也。知君
未愛春湖。不用扁舟。而與在驪駒玉珂。想當從陸矣。

陪李七司馬皂江上觀造竹橋即日成往來之人免冬

寒入水聊題短作簡李公

伐竹為橋結構同。寒裳不涉往來通。天寒白鶴歸華表。日
落青龍見水中。顧我老非題柱客。知君才是濟川功。合歡
却笑千年事。驅石何時到海東。

伐竹為橋。橋之結構不異。橋成則不必寒裳涉水。而

往來已通矣。二句完題。橋前有柱。天寒而白鶴歸來。橋下有影。日落而青龍如見。但恐我材非題柱。而子功已濟川矣。因言始皇之驅石徒勞。不若竹橋之便也。凡兩石相合。謂之合歡。

觀作橋成月夜舟中有述還呈李司馬

把燭橋成夜。迴舟客坐時。天高雲去盡。江迴月來遲。衰謝多扶病。招邀屢有期。異方乘此興。樂罷不無悲。

把燭橋成之夜。因回舟而招客也。下二句月夜始而天空雲淨。繼而江濶月升。把燭待月。故覺其遲矣。下

四句呈李司馬。衰謝扶病。不能前來。招邀屢期。不得不至。及乘興樂罷。方知身在異方。又不能悲矣。

李司馬橋了承高使君自成都回

向來江上手紛紛。三日成功事出群。已傳童子騎青竹。總擬橋東待使君。

向來作橋之時。衆力紛紛。乃三日即了。事已奇矣。而使君適到。故知童子騎竹。即于橋東相迎耳。

詣徐卿覓果子栽

草堂少花今欲栽。不問綠李與黃梅。石筍街中却歸去。果

園坊裏為求來

草堂少花而欲栽。是花皆愛。不問綠李黃梅。最易得之物。而亦盡收也。然我于石筍街中。未得空歸。望爾于果園坊內。再為求索耳。

唐肅宗寶應元年春成都

奉待嚴大夫

殊方又喜故人來。重鎮還須濟世才。常怪偏禪終日待。不知旌節隔年回。欲辭巴徼啼鶯合。遠下荆門去鷁催。身老時危思會面。一生襟抱向誰開。

殊方而喜故人來者。蜀地遠僻。必須濟世之才也。常怪偏禪之迎迓者。終日空待。孰知旌節之至止者。隔年而又回耶。所以尚未至也。我欲辭邊徼而啼鶯相和。將遠下荆門而太舟又催。所以欲行又止也。蓋以身老時危。思一會面。苟非故人。懷抱又向誰盡哉。

丁香

丁香體柔弱。亂結枝猶整。細葉帶浮毛。疎花披素艷。深栽小齋後。庶近幽人占。晚墮蘭麝中。休懷粉身念。

丁香以柔弱之姿。故結而猶剩也。細葉二句。咏其狀。

今種近小齋。可供幽人之玩。而結實之後。反和入蘭麝之中。自處既卑。則粉身不足惜矣。

麗春

百草競春華。麗春應最勝。少須好顏色。多漫枝條刺。紛紛桃李枝。處處總能移。如何貴此重。却怕有人知。

春華之時。百草競發。而于中麗春最佳耳。然少則覺顏色為佳。多則條枝可厭矣。夫以桃李之多。移值甚易。柰何反重此物。特為矜貴。如怕人知者何哉。

梔子

梔子比眾木。人間誠未多。於身色有用。與道氣傷和。紅取風霜實。青看雨露柯。無情移得汝。貴在映江波。

梔子校之眾木。人間誠不易得。于身則染色為有用。于道則性冷為傷和耳。故紅則取其風霜之實。青又取其雨露之柯也。是非有心移汝。而偶然植此。亦借以照映江波而已。此咏梔子之實也。

鸚鵡

故使籠寬織。須知動損毛。看雲莫悵望。失水任呼號。六翮曾經翦。孤飛卒未高。且無鷹隼慮。畱滯莫辭勞。

此籠中鴻鵠也。日所以使織籠寬大者，以籠不寬，則動損其毛也。既在籠中，則看雲而悵望，失水而呼號矣。然汝無然也。即欲放爾，而六翮已剪，飛不能高，則鷹隼得而殺之矣。苟安心于此，則外患莫于飲啄無恙，留滯亦何歎乎。

花鴨

花鴨無泥滓，堦前每緩行。羽毛知獨立，黑白大分明。不覺群心妬，休牽眾眼驚。稻梁霑汝在，作意莫先鳴。

鴨多泥滓。無泥滓已見修潔自好矣。所以聽其堦前

緩行也。羽毛之中不與眾伍。黑白之處更太分明。花鴨也。惟獨立故羣心妬。惟黑白每眾眼驚。二句分頂。然稻梁不乏。不必作意先鳴。自矜其奇。以來驚妬也。

野望

西山白雪三城戍，南浦清江萬里橋。海內風塵諸弟隔，天涯涕淚一身遙。唯將遲暮供多病，未有涓埃答聖朝。跨馬出郊時極目，不堪人事日蕭條。

西山白雪之間而列三城戍。南浦清江之上而有萬里橋。二句望中所見。因望感懷。念海內兵戈。諸弟遠

隔○天○涯○悲○淚○一○身○羈○栖○况○遲○暮○之○年○止○供○多○病○而○涓
埃○之○報○未○答○朝○廷○四○句○望○中○心○事○未○收○至○野○望○結○故
踣○馬○出○郊○一○為○遠○望○不○特○一○身○一○家○也○而○極○目○蕭○條
人○事○不○堪○極○矣○

三絕句

楸○樹○馨○香○倚○釣○磯○斬○新○花○藥○未○應○飛○不○如○醉○裏○風○吹○盡○可
忍○醒○時○雨○打○稀○

楸樹馨香○花開時也○倚于釣磯○近人處也○花蕊既新○
固不應落○然終不能不落○則不若乘我醉時一齊吹

盡○弗○待○我○醒○後○而○雨○中○零○落○使○我○心○傷○也○

門○外○鷓○鴒○久○不○來○沙○頭○忽○見○眼○相○猜○自○今○已○後○知○人○意○一
日○須○來○一○百○迴○

鷓鴒久已不來○而忽然相見○久不見人○未免相猜也○

然海翁狎鷗○原無心于鷗鳥○自今當知人意○即日來
百迴○亦何害耶○

無○數○春○筍○滿○林○生○柴○門○密○掩○斷○人○行○會○須○上○番○看○成○竹○客
至○從○喚○不○出○迎○

滿林春筍○而杜門以絕行綦者○趁此頭番之筍○看其

成竹耳。愛竹心切。即客至失逐。亦且聽之矣。三絕云者。即事各為一絕。原無章次也。後同。

畏人

早花隨處發。春鳥異方啼。萬里清江上。三年落日低。畏人成小築。褊性合幽棲。門逕從榛草。無心待馬蹄。

早花無處而不發。春鳥異方而亦啼。不擇地也。因花鳥而感懷。周知在萬里清江之上。已見三年落日之低矣。三年之中。人情可見。故畏人而成此小築。亦自以褊性止合于幽栖耳。所以杜門謝客。無意于人矣。

可惜

花飛有底急。老去願春遲。可惜歡娛地。都非少壯時。寬心應是酒。遣興莫過詩。此意陶潛解。吾生後汝期。

花亦何事而如此急。飛乎老至則太一春少一春矣。故願春遲也。乃遇歡娛之地。已非少壯之時。能無惜乎。無可柰何。而用詩酒消遣。此意世無解者。止有陶潛耳。而吾生也。晚所謂恨我不及見古人也。

落日

落日在簾鉤。溪邊春事幽。芳菲緣岸圃。樵爨倚灘舟。啁雀

爭枝墜飛蟲滿院遊濁醪誰造汝一酌散千憂

落日之影已在簾鉤晚矣而溪邊春事方幽也下四句頂春事幽為芳為菲者此緣岸之圃且樵且爨者有倚灘之舟門外也啁雀以爭棲而墜飛虫又滿院而游門內也而舟泊灘雀爭枝虫出游正落日時也春事漸闌愁懷頓起消憂者賴有酒耳是誰造汝而有如是之功乎

獨酌

步屣深林晚開樽獨酌遲仰峰粘落絮行蟻上枯梨薄劣

慙真隱幽偏得自怡本無軒冕意不是傲當時

步屣深林以至於晚春游已一日矣因酌酒而開樽也蜂仰而沾落絮蜂抱葉故有時而仰蟻行而上枯梨蟻盡梨故無時不行皆寫目前之景因歎薄劣雖慙真隱幽偏得以自怡自怡頂前四句蓋本無軒冕之志豈敢傲世而遠遁哉

廣州段功曹到得楊五長史書功曹却歸聊寄此詩

衛青開幕府楊僕將樓船漢節梅花外春城海水邊銅梁書遠及珠浦使將旋貧病他鄉老煩君萬里傳

衛青開幕府。長史之主將也。楊僕將樓船。長史也。長史持漢節而在梅花之外。守春城而在海水之邊。忽而銅梁之書遠及。功曹到而得書也。未几而珠浦之使又旋。功曹將返也。樓船梅花海水銅梁珠浦俱貼廣州。我乃貧病他鄉之老。煩君萬里相將。聊寄此詩也。長題詩。不過叙完題事而已。

得廣州張判官叔卿書使還以詩代意

鄉關 騎遠 宇宙蜀城偏 忽得炎州信 遙從月峽傳 雲深 驃騎幕 夜隔孝廉船 却寄雙愁眼 相思淚點懸

鄉關之寇亂雖遠。宇宙惟蜀地為偏。故音問難通也。忽有炎州之信。從月峽傳來。致書者。雲深驃騎之幕。張判官也。傳書者。夜隔孝廉之船。段功曹也。此書亦從段功曹寄至也。今日使還。惟寄愁眼之淚而已。前首先說廣州。後說得書。此首先說得書。後說廣州。

送段功曹歸廣州

南海春天外 功曹幾月程 峽雲籠樹小 湖日落船明 交趾 丹砂重 韶州白葛輕 幸君因估客 時寄錦官城

南海遠在天外。功曹之歸。不知費幾月程矣。兩句送。

廣州當由三峽山高故雲籠而樹若小復下洞庭湖
濶故日落而船猶明也既至而廣州有交之丹砂韶
之白葛幸因估客時寄蜀城望之之詞也

魏十四侍御就弊廬相別

有客騎驄馬江邊問草堂遠尋留藥價惜別到文場
入幕旌旗動歸軒錦繡香時應念衰疾書跡及滄浪

有客而騎驄馬侍御也江邊來問草堂就敝廬也遠
尋而又留藥價既有所贈臨去而特到文場待來相
別也侍御之行蓋受辟命預計其入幕而旌旗動行

車而錦繡香也別後能念我衰疾時通書問乎

從韋二明府續處覓綿竹三數叢

華軒藹藹他年到綿竹亭亭出縣高江上舍前無此物幸
分蒼翠拂波濤

草堂僻地雖華軒之來尚俟他日而綿竹賤物滿縣
之內無不叢生然而江上舍前無此物也幸分數枝
蒼翠以拂波濤乎

贈別何邕

生死論交地何由見一人悲君隨燕雀薄宦走風塵
縣谷

元通漢沱江不向秦五陵花滿眼傳語故鄉春

何邕公鄉人也。生死交情。同在遠地。君太何由復見一人哉。然君宦猶未達。尚隨燕雀之流。奔走風塵之內。今且歸矣。綿谷原通漢水。可以直下荆門。無如沱江不向秦中。不能坐至長安也。既歸。則五陵之花滿眼。為我傳語。故鄉之春。何時見爾乎。

贈別鄭鍊赴襄陽

戎馬交馳際柴門老病身把君詩過日念此別驚神地濶峨眉晚天高峴首春為於蒼舊內試覓姓龐人

當兵馬交馳之日。止餘此柴門老病之身。平時讀君之詩。將以過日。一旦忽有此別。能不驚神乎。今太則地濶而峨眉嶺歲晚。到時則天高而峴首方春。赴襄陽也。既至。則耆舊之內。尚有隱士如龐公者乎。

重贈鄭鍊絕句

鄭子將行罷使臣囊無一物獻尊親江山路遠羈離日裘馬誰為感激人

鄭子將行。以使臣罷歸也。乃囊無一物。持獻尊親。清則清矣。然路遠羈離。行裝蕭澁。則裘馬共敝者。誰能

使之感激乎。

嚴中丞枉駕見過

嚴自東川除西川勅令兩川都節制

元戎小隊出郊坳。問柳尋花至野亭。川合東西瞻使節。地分南北任流萍。扁舟不獨如張翰。皂帽應兼似管寧。寂寞江天雲霧裏。何人道有少微星。

元戎嚴中丞也。小隊隨行車騎也。出郊坳一路問柳

尋花而至野亭也。元戎則東川西川總歸節制。應第

一句我則天南天北一任飄萍。應第二句蜀地在南

長安在北也。下自述扁舟歸去不如張翰皂帽畱滯

兼似管寧。江天雲霧之中誰知有客星隱處乎。

奉酬嚴公寄題野亭之作

拾遺曾奏數行書。懶性從來水竹居。奉引濫騎沙苑馬。幽棲真釣錦江魚。謝安不倦登臨費。阮籍焉知禮法疎。枉沐旌麾出城府。草茅無迳欲教鋤。

昔為拾遺。曾上封事。止因性愛水竹。遂爾休官也。為

拾遺而奉引。雖叨乘沙苑之馬。應第一句愛水竹而

幽栖。已真釣錦江之魚。應第二句謝安雖登臨不倦

謂嚴也。阮籍則禮法實疎。自謂也。如能在旌麾出郭

則當開徑以奉迎耳。

遭田父泥飲美嚴中丞

步屣隨春風。村村自花柳。田翁逼社日。邀我嘗春酒。酒酣
 誇新尹。畜眼未見有。迴頭指大男。渠是弓弩手。名在飛騎
 籍。長番歲時久。前日放營農。辛苦救衰朽。差科死則已。誓
 不舉家走。今年大作社。拾遺能住否。叫婦開大餅。盆中為
 吾取。感此氣揚揚。須知風化首。語多雖雜亂。說尹終在口。
 朝來偶然出自卯。將及酉。久客惜人情。如何拒鄰叟。高聲
 索果栗。欲起時被肘。指揮過無禮。未覺村野醜。月出遮我

畱仍嗔問升斗

信步屣而隨春風。故見花柳。遇田翁。近社日而邀飲
 酒也。飲酒之中。因誇新尹。而新尹之實政。即就一家
 言之。大男為弓弩手。隸飛騎籍。長役已久。新尹獨放
 之營農。救我衰朽。已足感矣。差科。即所謂弓弩手也。
 感恩如此。誓死報之。一段美新尹。今年時和年豐。正
 大作社。拾遺當少住。觀之。以上田翁之言。于是命婦
 開大甕。取美酒。感此氣揚。知新尹為風化之首也。是
 以語多雜亂。而尹不離口。正見其誇與感也。一段我

足美新尹朝來步履偶然而出不覺遂至竟日因久
 客于此體惜人情不忍拒之也且高聲而索果栗欲
 起而被堅雷指揮雖過無禮殊不覺村野之粗鄙也
 至卯而酉自酉而月出客日飲已多矣主人則日猶
 未盡也字字寫其真朴

野人送朱櫻

西蜀櫻桃也自紅野人相贈滿筠籠數
 回細寫愁仍破萬
 顆勺圓訝許同憶昨賜霑門下省退朝
 擎出大明宮金盤
 玉筋無消息此日嘗新任轉蓬

西蜀櫻桃而日也自紅者非輕西蜀也已有賜櫻一
 事于胸中矣而此櫻桃者野人相贈也對此幾回吟
 咏欲以今日消愁乃萬顆勺圓亦與當時無異乎憶
 昔為拾遺之日于門下省頒賜大明宮擎出喪亂以
 來天子播遷金盤玉筋且無消息我於今日嘗新雖
 天涯飄泊能不愧乎

敝廬遣興奉寄嚴公

野水平橋路春沙映竹村風輕粉蝶喜花暖蜜蜂喧把酒
 宜深酌題詩好細論府中瞻暇日江上憶詞源跡忝朝廷

舊情依節制尊還思長者轍恐避席為門

野水已平橋路春沙又映竹村村路之間見風輕蝶喜花暖蜂喧宜于把酒吟詩也六句敲盧遣興公府事多而望其暇日江上地僻而深憶詞源詞源指嚴公况昔是朝廷之舊今依節制之尊豈吝一過乎但恐窮巷席門不足辱長者耳六句寄嚴公

舟前小鵝兒

漢州城西北角官池作

鵝兒黃似酒對酒愛新鵝引頸喚船逼無行亂眼多翅開遭宿雨力小困滄波客散層城暮狐狸奈若何

酒色驚黃因酒而愛鵝也引領與船逼點舟中無行亂眼多寫其多也翅開為遭宿雨力小困滄波苟客散天暮暴患相侵如之何哉正見其小也

官池春鴈二首

自古稻梁多不足至今鷓鴣亂為群且休悵望看春水更恐歸飛隔暮雲

參養之思每不能如意非我之類每進而相干然為人羈縻不能自脫故囑之日今日不必看春水而悵望但恐同羣北鄉歸飛永隔耳悲哉

青春欲盡急還鄉。紫塞寧論尚有霜。翅在雲天終不遠。力微繒繳絕須防。

接上言未幾春盡而還鄉已急矣。寧論塞上猶霜耶。猶幸六翮未剪則翅在而雲天不遠。但恐參養未至則力微而繒繳之患當防耳。又以慰藉意結。

奉和嚴中丞西城晚眺十韻

汲黯匡君切。廉頗出將頻。直詞才不世。雄略動如神。政簡移風速。詩清立意新。層城臨媚景。絕域望餘春。旗尾蛟龍會。樓頭燕雀馴。地平江動蜀。天濶樹浮秦。帝念深分閫。軍

須遠算。緡花羅封峽。蝶瑞錦送麒麟。辭第輪高義。觀圖憶

古人征南多興緒。事業闡相親。

忠如汲黯之匡君。嚴昔為拾遺也。才如廉頗之出將。今再為節度也。直詞不世。頂匡君句。雄畧如神。頂出將句。政則簡而速。化詩則清而意新。六句嚴中丞。于是層城而臨媚景。絕域而望餘春。故上西城也。既上則見旗尾飄而蛟龍會。合樓頭靜而燕雀不驚。遠望則見地平而隱隱。動者江也。是為蜀地。天濶而浮如齊者樹也。想像秦中矣。六句西城晚眺。下又歸到嚴

中丞蓋帝念此邦。故特令分闡。軍須甚急。故遠輪筭。縉更有頒賜。則花羅有蛺蝶之文。瑞錦有麒麟之樣。至于賜策。則辭之。所謂何以家為也。觀圖則憶之。所謂于古人中求之也。然古人何似。惟有杜預耳。蓋其興致。其事業。闇與相合也。

短歌行贈王郎司直

王郎酒酣拔劍斫地歌莫哀。我能拔爾抑塞磊落之奇才。豫樟翻風白日動。鯨魚跋浪滄溟開。且脫劍佩休徘徊。西得諸侯棹錦水。欲向何門跋珠履。仲宣樓頭春已深。青眼

高歌望吾子。眼中之人吾老矣。

王郎不得意。而值酒酣之時。往往悲從中來。拔劍斫地而歌。然爾有磊落之奇才。雖被抑塞。惟我能識。拔爾也。爾之才其高大也。如豫章翻風。白日若動。其壯勇也。如鯨魚跋浪。滄溟為開。此時王郎將適荆門。故曰且脫劍佩。不必徘徊。汝欲西得諸侯。因揮錦水而來。今又欲向何門跋珠履耶。西諸侯。蓋指蜀中諸公也。爾至荆州之時。仲宣樓頭。春色已深。此時吾當青眼悲歌。以望子矣。蓋眼中之人。惟吾最老。不知何時

見子。能不悲哉。

杜詩論文十九

吳興祚伯成定

武進吳見思齊賢注

宜興潘眉元白評

武進董元愷舜民參

唐肅宗寶應元年夏成都

入奏行贈西山檢察使竇侍御

竇侍御驥之子。鳳之雛。年未三十。忠義俱骨。鯁絕代無。炯如一段清冰。出萬壑。置在迎風寒露之玉壺。蔗漿歸厨。金盃凍洗。滌煩熱。足以寧君軀。政用疎通合典則。戚聯豪貴

耽文儒。兵革未息。人未蘇。天子亦念西南隅。吐蕃憑陵氣
頗麤。竇氏檢察應時須。運糧繩橋壯士喜。斬木火井窮猿
呼。八州刺史思一戰。三城守邊却可圖。此行入奏計未小。
密奉聖旨恩應殊。綉衣春當霄漢立。綵服日向庭闈趨。省
郎京尹必俯拾。江花未落還成都。肯訪浣花老翁無。為君
酤酒滿眼。酤與奴白飯。馬青芻。

竇侍御為名家之子。故曰驥子鳳雛也。稟之有素。故
青年而忠義骨鯁。已足絕代矣。其為人如清冰之出
萬壑。在玉壺而值此夏時。茗椀蔗漿。足以洗滌煩熱。

皆言其清也。其政事則外用疎通。又內合典則。其出
處則戚聯豪貴。又性耽文儒。一段是說竇之才品。今
以兵革未息。民困未蘇。天子念此西南一方。吐蕃侵
凌。故用侍御前來檢察。此時之所急也。於是運糧繩
橋。軍飽騰矣。故壯士為之色喜。斬木火井。失險阻矣。
故窮寇為之號呼。此皆檢察之事。檢察既明。則臣下
思奮。故入州鼓勇。三城盡力也。今又為入奏之行。其
計畫不小。所奏之事。當奉密旨。恩寵又何如乎。於是
繡衣當朝。綵服趨庭。省郎京尹。可以立致。所謂恩應。

殊也承寵而還成都計之不過江花未落之時耳此
時能訪我當為君酤酒滿前而白飯青芻下及奴馬
望之之詞亦喜之之詞也

中丞嚴公雨中垂寄見憶一絕奉答二絕

雨映行宮辱贈詩元戎肯赴野人期江邊老病雖無力強
擬晴天理釣絲

雨映行宮當是玄宗駐蹕之地不重不過以完雨中
二字辱贈詩完垂寄二字也元戎而肯赴野人之期
此書中見憶相許之言既肯相赴則雖僻處江邊老

病無力強起而待晴天理釣絲以相待耳釣絲應江
邊晴天應雨中也

何日雨晴雲出溪白沙青石洗無泥只須伐竹開荒徑拄
杖穿花聽馬嘶

接上言初擬晴天相待但不知何日晴也雨晴則雲
出溪而溪中之白沙青石皆淨洗無泥矣路不必掃
除只須伐竹開徑而拄杖穿花以候駕耳

王錄事許修草堂貨不到聊小詰

為嘆王錄事不寄草堂貨昨屬愁春雨能忘欲漏時

嗔王錄事者為不寄草堂之賞也。昨已愁春雨矣。能忘我欲漏之時耶。是詰之之詞。

謝嚴中丞送青城山道士乳酒一餅

軍州謂驅使騎為馬軍

山餅乳酒下青雲。氣味濃香幸見分。鳴鞭走送憐漁父。洗

盞開嘗對馬軍。

山餅乳酒。點明青城山道士乳酒下青雲。是嚴中丞送也。一句完題。氣味濃香。承乳酒。幸見分。承下青雲也。走送者。憐漁父之獨醒。洗盞者。對三騶而共飲耳。鳴鞭。照馬軍字。

江上值水如海勢聊短述

為人性僻耽佳句。語不驚人死不休。老去詩篇渾漫興。春來花鳥莫深愁。新添水檻供垂釣。故著浮槎替入舟。焉得思如陶謝手。令渠述作與同遊。

江上值水勢如海。題目奇偉。而詩中一字不寫者。蓋值此奇景。偶無奇句。故不能長吟。聊為短述耳。此題意在。下三字。故通篇皆作自謙之詞。曰為人性僻。而惟耽佳句。耽佳句。故不驚人。不止也。此少年事耳。至老來自嫌才盡。雖有詩篇。不過漫興而已。即遇春來。

花鳥亦不能搜奇斲句。以動深愁也。卽今日新添水檻。以供垂釣耳。乃水勢騰沒。直至檻邊。反若浮槎。若入舟矣。如此奇景。安得心思手筆。如陶謝者。與之同遊。述作乎。

戲贈友二首

元年建巳月。郎有焦校書。自誇足膂力。能騎生馬駒。一朝被馬踏。脣裂板齒無。壯心不肯已。欲得東擒

元年建巳月。紀實也。有焦校書者。自誇膂力能騎生馬駒。而反被馬踏。裂脣折齒乎。而壯心尚欲東平吐番。不以一蹶而灰也。蜀在西。故曰東也。

元年建巳月。官有王司直。馬驚折左臂。骨折面如墨。鴛駘漫染泥。何不避雨色。勸君休歎恨。未必不爲福。

王司直又以馬驚折臂。折臂之痛。故面爲薰黑也。何不少避雨色。而乘此鴛馬。衝泥而出。以致此一失乎。然塞翁有云。未必不爲福者。此之謂也。一時兩事相值。故同入一題。故曰戲也。

水檻遣心二首

去郭軒楹敞。無村眺望餘。澄江平少岸。幽樹晚多花。細雨

魚見出微風燕子斜城中十萬戶此地兩三家

去郭則地寬而軒楹得敞臨江則村少而眺望為賒
檻之外江平少岸檻之側幽樹晚花江之中魚因雨
出燕受風斜四句總承眺望因言城中塵囂聚處而
江邊知者無多是可歎也二句又應還去郭

蜀天常夜雨江檻已朝晴葉潤林塘密衣乾枕席清不堪
祇老病何得尚浮名淺把涓涓酒淡憑送此生

蜀天每多夜雨而江檻今已朝晴葉潤則垂故林塘
覺密承夜雨衣乾則健故枕簟為清承朝晴上一首
此四句皆說水檻之事下四句遣心一事不堪祇因
老病而浮名何益不必關心且把酒遣懷送此餘日
而已

屏跡二首

用拙存吾道幽居近物情桑麻深雨露燕雀半生成村鼓
時時急漁舟箇箇輕杖藜從白首心跡喜雙清

天下之奔波庸碌不能屏跡者大抵皆巧人也惟用
拙故存吾道而成幽居矣幽居則心閒故能體物也
下四句皆近物情之事桑麻深密雨露恩深燕雀哺

雛生成一半。初夏時也。田者鳴鼓而聚。故聞其急。漁者拏舟而往。故見其輕也。因歎物理人事各營其私。我則白首杖藜。一無所事。則心與跡為雙清矣。上六句。屏跡之事。末二句實說屏跡。蜀人材中有鼓以督耕者。詳見論事。

晚起家何事。無營地轉幽。竹光團野色。舍影漾江流。失學從兒懶。長貧任婦愁。百年渾得醉。一月不梳頭。

晚起。回家無事也。無營。覺地轉幽矣。竹光。綠而野色團聚。舍臨江而影漾中流。二句承地轉幽。失學。從兒

懶。兒懶我亦懶也。長貧。任婦愁。婦愁我不愁也。二句承家何事。所以百年之中。惟以得醉為事。一月蓬垢。不復出門矣。末二句實說屏跡法。與上同。

絕句四首

朱阮劍外相知

堂西長筍別開門。塹北行椒却背村。梅熟許同朱老喫。松高擬對阮生論。

絕者。截也。於律詩中。截取四句。或截前四句。或截中四句。或截後四句。或截前後四句。必聲意俱盡。裝不得律詩。是為當行。此首則截前四句也。西有竹徑。而

別開門者為長笋也。北有行椒而背村者為藩籬也。椒有刺。可以為藩。梅熟而與朱老同餐。松高而與阮生同撫。四首俱即目前景事。以成一篇。

欲作魚梁雲覆湍。因驚四月雨聲寒。青溪先有蛟龍窟。竹石如山不敢安。

此截前後四句也。欲作漁梁而雲氣覆之。且四月耳。而湍水聲如驟雨。寒氣逼人者。蓋因清溪之中。先有蛟龍窟。此故雖竹石如山而漁梁不敢作也。

兩箇黃鸝鳴翠柳。一行白鷺上青天。總含西嶺千秋雪。門

泊東吳萬里船。

此截中四句也。鳴翠柳者黃鸝。上青天者白鷺。總中見山而山則西山。上有千秋之雪。門外泊船而船則吳船。已從萬里而來矣。

藥條藥甲潤青青。色過棕亭入草亭。苗滿空山慚取譽。根居隙地怯成形。

此截後四句也。圃中之藥。或發條而或發甲。其青青之色。過棕亭而復連草亭。二亭中間皆藥圃也。昔未入圃而佳名久著。空山入圃之後。則成形恐不可得。

矣。成形如千年人參。如人茯苓。如飛鳥之類是也。

大麥行

大麥乾枯。小麥黃。婦女行泣。夫走藏。東至集壁。西梁洋。問誰腰鎌。胡與羌。豈無蜀兵三千人。部領辛苦江山長。安得如鳥有羽翅。託身白雪還故鄉。

大麥乾枯。時已過矣。小麥正黃。可收穫矣。而婦行泣。夫走藏者。蓋東至集壁。西至梁洋。四州之地。每年麥熟。吐蕃入寇。刈穫而去。蜀人謂之吐蕃麥者是也。然豈無蜀兵三千。鎮守防禦。而無如步領辛苦奔走。既

疲。而江山路遠。策應不及也。是豈可托處哉。安得身生羽翼。飛還故鄉也。

嚴中丞仲夏枉駕草堂兼攜酒饌得寒字

竹裏行厨洗玉盤。花邊立馬簇金鞍。非關使者徵求急。自識將軍禮數寬。百年地闢柴門迥。五月江深草閣寒。看弄漁舟移白日。老農何有罄交歡。

先從酒饌說起。竹裏則陰森涼爽。已為仲夏寫景。而行厨玉盤。則攜酒饌也。立馬金鞍。則枉駕也。嚴為節度。酒食供應。必從民間辦集。故曰非關使者徵求。奇

急亦以將軍禮數寬假耳。二句頂上百年之地。至今始闢。而柴門空曠。點還草堂。五月之時。正當炎熱。而江閣風寒。點還仲夏。而嚴之此來。不過看弄漁舟。過此一日耳。老農有何才德。以盡交歡之情乎。

卽事

百寶裝腰帶。真珠絡臂鞵。笑時花近眼。舞罷錦纏頭。

五言絕與七言絕同。此截中四句也。後俱倣此。百寶以裝腰帶。珍珠以絡臂鞵。服飾如此。笑靨如花。正當近眼。舞餘賜錦。親作纏頭。韻致如此。風流豪侈。四句寫盡。不必更多矣。

少年行

馬上誰家白面郎。臨階下馬坐人牀。不通姓氏麤豪甚。指點銀鉶索酒嘗。

馬上之郎。曰誰家者。已不知姓名矣。直至臨階下馬。公然直坐不辭。且姓氏不通。絕無一語。而開口便為索酒。麤鄙處。卽其豪邁處。是一不經事少年也。麤豪甚三字。總貫上下三句。

嚴公廳宴同咏蜀道畫圖得空字

日臨公館靜。書列地圖雄。劍閣星橋北。松州雪領東。華夷山不斷。吳蜀水相通。典與烟霞會。清樽幸不空。

公館人靜嚴公廳也。地圖勢雄蜀道畫圖也。下四句俱說地圖。自劍閣星橋之北。以至松雪嶺之東。皆畫圖之蜀地也。而此數百里間華夷之山相連而不斷。吳蜀之水相貫而盡通。觀此山水則烟霞之興不淺。可無飲乎。點還宴字。

大雨

西蜀冬不雪。春農尚噉噉。上天回哀眷。朱夏鬱陶執熱。

乃沸鼎。織絺成縕袍。風雷颯萬里。霈澤施蓬蒿。敢辭茅葦漏。已喜黍豆高。三日無行人。二江聲怒號。流惡邑里清。矧茲遠江皋。荒庭步鶴鶴。隱几望波濤。沉疴聚藥餌。頓忘所進勞。則知潤物功。可以貸不毛。陰色靜隴畝。勸耕自官曹。四鄰出耒耜。何必吾家操。

西蜀冬而不雪。又過一春。農人已噉噉待命矣。不意天心忽回。而於朱夏鬱陶執熱。如沸鼎。織絺如縕袍之日。而先之風雷來於萬里。無處不到也。繼之以大雨。施於蓬蒿。無物不被也。久雨而喜。故茅屋不畏其。

漏而黍豆頓覺其高矣。雨大則泥深。故三日無人行。雨大則水漲。故二江聲怒號也。溝渠流惡。邑里皆清。况此江皋乎。荒庭而水鳥得至。隱几而波濤滿前。向以沉疴多。飡藥餌。而今則頓忘其苦矣。因知潤物之功。竟無不毛之地。於是雨止而陰色未開。勸耕在而官曹獨重。從此豐年可望。何必身操耒耜哉。

溪漲

當時浣花橋。溪水纔尺餘。白石明可把。水中有行車。秋夏忽汎濫。豈惟入吾廬。蛟龍亦狼狽。况是鼈與魚。茲晨已半落。歸路跬步疎。馬嘶未敢動。前有滾填淤。青青屋東麻。散亂牀上書。不意遠山雨。夜來復何如。我遊都市間。晚憩必村墟。乃知久行客。終日思其居。

當時浣花橋下。溪水尺餘。故石可拾。車可行也。秋夏之交。忽然汎濫。豈惟入於吾廬。一望滔天。無處非水矣。於是蛟龍尚不能安。况魚鼈之細哉。茲晨雖已半落。跬步且不能通。蓋欲渡而馬不敢行者。以前有深淤故也。隔溪而望。但見屋東之麻。青青已長。遙憶屋中之書。散亂不收。然猶望雨晴水退。明日可歸。而天

色未定也。我游都市，晚必歸於村墟。今數日不歸，便如遠隔。因思久行之客，能不懷歸也哉。

寄高適

楚隔乾坤遠，難招病客魂。詩名惟我共，世事與誰論。北闕更新主，南星落故園。定知相見日，爛熳倒芳樽。

楚蜀相隔，因知天地之遠也。天遠則魂無計矣。因

言平日詩名，惟我與爾。今日遠去，則世事與誰言哉。

北闕既更新主，代宗即位也。南星又歸故園，高適名

還也。然我亦歸矣，歸來相見，芳樽共倒，喜何如哉。

